



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Qvod Iudaei Messiam, Qvi uenit, ceu uenturum, temere
expectent**

Samuel <Marochitanus>

Argentorati

VD16 S 1561

Cap. XVI. Oste[n]dit reprobatione[m] Iudaeoru[m] propter eorum
perfidia[m], & electione[m] gentiu[m] eoru[m] fidem.

urn:nbn:de:hbz:466:1-36159

P A R A S T A S I S .

Deus projecit nos, & non miseretur nostri, ut experti sumus, iam sunt mille anni & ultra, Quae utilitas est nos habere Legem, Circūcisionem, & Sabbatum. Dixit Esaias liij. ca. Educ foras populum cæcum, sicut eduxit nos de terra nostra Deus uerus, & gloriosus. Iam sunt mille, & ultra. Dixit etiam idem. xxvi. capite. Vetus error abiit. Et quid est antiquum, nisi Lex nostra, quae recessit à nobis, domine mi, cum rege, cum sacrificio, cum incenso, & cū altaribus. Et quid peius nobis poterit euenire? & quid est quod nos expectamus? Nonne uidemus q̄ dispersit nos per quatuor partes mundi in dispersionem, sicut dixerūt nobis Moyses, Hieremias, & Esaias, & alij Prophetae. Et tamen nos Dei sumus, & ad ipsum recurrimus in omni euentu.

C A P . X V I .

Ostēdit reprobationē Iudæorū propter eorum perfidiā, & electionē gentiū propter eorū fidem.

Tl meo, domine mi, cum nos dicimus inter nos, ego et tu etiam sumus filij Iacob & Israël, quia iam completū est illud quod dicit Deus per os Esa. ca. lxxiiij Interficiet te Deus ò Israël, & uocauit seruos nomine alieno. Pauco q̄ de illis seruis sumus, quibus debet imponi illud nomen, secundum q̄ Moyses dixit Deuteronomij xxviiij. Erunt Gentes in capite, & populus incredulus in cauda, sicut nos sumus, iam sunt mille anni & ultra. De illis etiā dixit Hiere. ca. xij. Replebitur terra fide Dei, et redūdabit sicut aqua maris, et de illis dixit Salo. iij. Reg. viij. Domine Deus cū uenerit alienigena ad domū sanctā tuā,

& in

V E R I M E S S I A E .

& inuocauerit nomen tuum benedictum, exaudi eum do-
 mine Deus meus, ut discat uniuersa terra nomen tuum ti-
 mere, sicut populus Israël. In quo ergo gloriabimur domi-
 ne mi, et quare cōtemnimus Gentes? ex quo Salomon pro-
 pheta fecit eas participes in timore Dei, & in domo san-
 cta nobiscum, & forte nos indignos eiecit Deus de ista do-
 mo, & dedit eam istis, & de illis etiam dixit Moyses.
 Hec dicit dominus Deus. Replebitur terra tota gloria do-
 mini, Et de ipsis dixit Dauid in Psalmo. xxi. Praeuenient
 & cōuertentur ad dominum uniuersi fines terræ, & mil-
 le generationes. De ipsis etiam dixit Esaias. c. lx. O domus
 Dauid sancta, uenit lumen tuum, & gloria domini super
 te orta est, & c. Et ambulabunt gentes in lumine tuo, &
 Reges in splendore ortus tui. Leua in circuitu oculos tu-
 os & uide, omnes isti congregati sunt, uenerunt tibi, & fi-
 lij extranei edificabunt muros, & principes eorum serui-
 ent tibi. Et qui sunt isti filij extranei, Domine mi, qui ue-
 nerunt ad domum Dei, nisi Gentes quæ seruiebant Idolis
 qui erant extranei à Deo, & ipsi principes & reges eo-
 rum, de quibus dixit Deus q̄ ambulabunt in lumine do-
 mus sanctæ, & nos erimus in tenebris extra illam & su-
 mus, iam sunt mille anni. Dixit adhuc idem propheta de
 illis, ca. lxxv. Ecce Gentem quam nesciebas, uocabis, & na-
 tiones quæ te non cognouerunt ad te uenient. Et sicut de
 facto uidemus, hodie sunt mille anni & ultra, quia CHRI-
 STVS missus secundum legem nobis datam uenit, & Gē-
 tes quæ legem non nouerant, uenerunt ad eum, & ipse de-
 dit

P A R A S T A S I S.

dit eis Legem nouam, puram, & sanctam. Adhuc xlvi. cap. Concordauerunt, & reges eorum cōgregati sunt in fide dei. Et timeo, domine mi, de illis fuisse dictū eodē cap. Congregamini omnes & uenite gentes, quæ saluata estis per deum ex gentibus. Et de populo dixit Esaias. lxxv. cap. Quæsierunt me & non interrogabant, & inuenerūt me qui non quærebant me. Et de ipsis etiam dicit Hieremias capite. iij. Congregabuntur omnes in nomine domini, in domo sancta, & non ambulabunt in prauitate cordium. De ipsis idem propheta dixit cap. xvi. Ad te uenient omnes gentes ab extremis finibus terræ, & dicent, Non hereditauerunt patres nostri nisi mendacium & iniquitatem. Et de ipsis dixit Sophonias cap. iij. Datum est Gentibus ut loquerentur simul in nomine domini, & seruient ei humero uno, omnis homo de loco suo, & omnes in insula gentium. Et de illis dixit Zacharias. ij. cap. Letare domus Syon, quia ego ueniam ad te, & habitabo in medio tui in illa die, & appropinquabunt deo Gentes in multitudine sua. Dicit idem Propheta. viij. cap. Hæc dicit dominus Deus exercituum, uenient Gentes multe de locis multis, & dicet uir ad uicinum suum, uadamus & queramus dominum Deum in bono. Et ista, domine mi, cōpleta sunt nūc, & complentur in oculis nostris de plano, uides populos, & linguas legere libros Legis & Prophetarum omnium, & psalterium, dimissis idolis suis, nullus ex eis credit per manum Moysi nec Aaron, nec alicuius Prophetarum nostrorum. nec aliquid remanet de Fide ab idolis ab illo tem-

C pore

V E R I M E S S I A E

pore quo crediderunt iusto illi, de quo dicit Abacuh cap.
iij. Egressus es domine ad salutem populi tui, ad salutem
cum Christo tuo.

CAPVT XVII.

De uiuificatione gentium & interfectione
Iudeorum prout etiam uidebitur
in cap. sequenti.

Timeo, domine mi, quod Deus uictor & gloriosus ui-
uificat illas gētes per fidē, & interficit nos in incre-
dulitate nostra, sicut ipse dicit per os Esaię prophe-
te. lxxv. cap. Pro eo quod uocaui & non respondistis hæc
dicit dominus Deus, ecce serui mei comedent, & uos esu-
rietis. Ecce serui mei bibent & uos sitietis, ecce serui mei
gaudent in exultatione cordis, & uos concutiemini præ
amaritudine cordis, & interficiet te Deus ò Israël, & uo-
cabit seruos suos nomine alio, in quo benedixit illis qui est
benedictus super terram, Amen. Et nos uidemus recepto-
res istius nominis benedictos à Deo super faciem terræ,
& nos dispersit. s. in captiuitate per quatuor partes mū-
di. Hodie sunt mille anni, Et apparent expresse in nobis
uestigia iræ dei, nō ad castigationē, sed ad destructionem,
& illa est interfectio quàm Deus comminatus est, quod
interficiet Israël, & illa Gentes uiuæ, quas uocat seruos,
recipient nomen quod Deus promisit, sed non ante moriē
nostri nominis primi secundum ordinem uerborum Dei
per Esaiam, & fames & sites quas patiemur nō est panis
aut aquæ, sed cordium & animarum sterilitas, & fames
uerbi